



STOP

Për gjuhën etnona(r)ciste dhe nacionaliste të urrejtjes!

Qytetarë për Maqedoni Evropiane (QME) ashpër e dënon involvimin e pushtetit në projektin etnocentrik “Enciklopedia maqedonase” i cili shkaktoi cunami të vërtetë në marrëdhëniet ndëretnike në Maqedoni.

QME kërkon nga të gjithë institucionet kompetente të ndërmarrin masa bindëse për ndalimin e konfliktit ndëretnik të shkaktuar me promovimin politik të “Enciklopedisë maqedonase” nga ana e premierit Nikolla Gruevski, i cili e promovoi enciklopedinë “objektive” si një kontribut drejt “së vërtetës për ne në të kaluarën”.

QME ashpër e dënon tentimin e premierit që të amnistohet nga skandali me enciklopedinë, gjithë përgjegjësinë ti ja hedhë ASHAM-it madje edhe ta mashtron opinionin duke treguar me gisht drejt disa “forcave të errëta”.

Nëse Qeveria nuk ka pasur për qëllim të përzihet në shkencë, atëherë nuk është e qartë pse Nikolla Gruevski në fillim jepte vlerësime politike në promovimin e “Enciklopedisë maqedonase” e pastaj arsyetohej – “nuk kam qenë as i pyetur, as nuk kam marrë pjesë?” Posaçërisht brengos fakti se tentimi për vetë-amnistim i Gruevskit u shoqërua me gjuhën e urrejtjes ndaj kritikuesve të “Enciklopedisë maqedonase” nga ana e gazetarëve proqeveritarë, të cilët duke i mbrojtur pjesët diskriminuese në enciklopedi, haptazi filluan të pyesin se “çfarë opsione në fakt janë UE dhe NATO për ne maqedonasit”

QME e dënon dyfytërsinë e partnerëve në koalicion Gruevski – Ahmeti, të cilët në fillim në mënyrë aktive morën pjesë në ndezjen e zjarrit nationalist, pastaj me durim pritën dy javë për tu përhapë gjuha e urrejtjes dhe mosdurimi etnik dhe fetar e tani aktrojnë zjarrfikës dhe paqëkrijues, fjala se sinqerisht janë të brengosur për kohabitimin ndëretnik dhe perspektivat euroatlantike të Maqedonisë.

QME përkujton se mospjesëmarrja e institucioneve të sistemit ta mbrojnë bashkëjetesën multietnike në Maqedoni nga përdhunuesit “spontan” në Strugë, Nerez dhe sheshin e Shkupit i inkurajoi piromanët e padënuar të vazhdojnë me gjuhën e urrejtjes eskalimi i së cilës paraqet kërcënim për ekzistencën e Republikës.

QME kërkon nga Komiteti për marrëdhënie mes bashkësive të mbajë mbledhje urgjente dhe ta identifikon përgjegjësinë e gjithë aktorëve të cilët (duke qenë aktiv apo pasiv) jo vetë që e sollën në rrezik “zhvillimin e dimensionit multikulturor dhe multietnik të shoqërisë në Maqedoni” por e sollën Maqedoninë buzë humnerës..

Shkup, 1 tetor 2009

Qytetarë për Maqedoni Evropiane